

Na osnovu člana 153. i 154. Zakona o zdravstvenoj zaštiti („Službene novine Federacije Bosne i Hercegovine“, broj 46/10 i 75/13), člana 11. stav 2. Pravilnika o specijalizacijama i subspecijalizacijama doktora medicine, doktora stomatologije, magistara farmacije i inženjera medicinske biohemije („Službene novine Federacije Bosne i Hercegovine“, broj: 62/15), a u vezi sa Pravilnikom o kriterijima za prijem subspecijalizanata („Službene novine Federacije Bosne i Hercegovine“, broj 102/13 i 55/14), Javna zdravstvena ustanova Univerzitetski klinički centar Tuzla objavljuje

INTERNI OGLAS za izbor kandidata za subspecijalizacije

I

Javna zdravstvena ustanova Univerzitetski klinički centar Tuzla vrši izbor kandidata za subspecijalizacije:

1. Nefrologija..... 1 subspecijalizacija
(za potrebe Klinike za interne bolesti);
2. Pedijatrijska imunologija i reumatologija 1 subspecijalizacija
(za potrebe Klinike za dječije bolesti).

II

Kandidati treba da ispunjavaju sljedeće uslove:

- da imaju završen medicinski fakultet,
- da imaju položen stručni ispit,
- da imaju najmanje jednu godinu radnog iskustva nakon položenog stručnog ispita,
- da imaju položen specijalistički ispit odgovarajuće osnovne specijalizacije,
- da su u radnom odnosu u zdravstvenoj ustanovi koja dodjeljuje subspecijalizaciju,
- da imaju važeće odobrenje za samostalan rad – licencu izdanu od strane nadležne Komore,
- da poznaju jedan strani jezik.

III

Uz prijavu na Interni oglas kandidati su dužni dostaviti sljedeće dokaze:

- Biografiju sa adresom i kontakt telefonom;
- Diplomu o završenom medicinskom fakultetu;
- Uvjerenje o položenom stručnom ispitu;
- Uvjerenje o radnom iskustvu nakon položenog stručnog ispita;
- Uvjerenje o položenom specijalističkom ispitu;
- Uvjerenje poslodavca da je kandidat u radnom odnosu u ustanovi koja dodjeljuje subspecijalizaciju;
- Odobrenje za samostalan rad – licencu;
- Potvrdu o poznavanju jednog stranog jezika.

Radi utvrđivanja redoslijeda kandidata u skladu sa Pravilnikom o kriterijima za prijem subspecijalizanata, kandidati uz prijavu trebaju dostaviti i sljedeće dokaze:

- Prijepis položenih ispita na studiju;
- Potvrdu o prosjeku ocjena tokom studija, te duljini trajanja studija;
- Potvrdu o poznavanju drugog ili trećeg stranog jezika;
- Nagrade za vrijeme studija;
- Popis objavljenih radova;
- Potvrdu o radnom stažu u svojstvu specijaliste;
- Radnu knjižicu ili potvrdu o radnom iskustvu.

Sva dokumentacija koju kandidati dostavljaju uz prijavu mora biti u originalu ili ovjerenoj fotokopiji.

IV

Komisija za izbor subspecijalizanata će bodovati i obaviti razgovor sa kandidatima koji su blagovremeno podnijeli potpunu dokumentaciju. O terminu razgovora kandidati će biti obaviješteni pisanim putem.

V

Prijave sa traženim dokazima dostavljaju se u zatvorenoj koverti na adresu:

Javna zdravstvena ustanova Univerzitetski klinički centar Tuzla
Sektor za pravne poslove i ljudske resurse
Ul. Trnovac bb
75000 Tuzla

sa naznakom: „Prijava na Interni oglas za izbor kandidata za subspecijalizacije – Ne otvaraj“.

Interni oglas ostaje otvoren 15 (petnaest) dana od dana objavljivanja. Nepotpune i neblagovremene prijave neće se uzeti u razmatranje.

Ovaj Interni oglas je objavljen na web stranici Ustanove, te na oglasnim pločama Ustanove i organizacionih jedinica, dana **23.05.2017. godine.**